

Gairm gu Ùrnaigh: Latha na Sàbaid 13mh dhen Ògmhios 2021 Ùrnaigh aig 7

“B’ fheàrr leam fhaicinn na a chluinntinn.” Tha sinn uile air an abairt sin a chluinntinn, agus bidh e a’ nochdadh ann an ceòl, fiolm, agus còmhradhean làitheil. ’S e brìgh na h-abairte: Ma chì thu, creididh tu. Ach chì sinn an t-uabhas ann am beatha ’s gum bi e a’ sìor-fhàs nas duilghe rudan a chreidsinn, ged a bhios iad ro ar shùilean. Tha cus mu thimcheall oirnn, agus thèid sinn tro chèile leis.

Tha beachd eile aig an Abstol Pòl. An àite a ràdh “B’ fheàrr leam fhaicinn na chluinntinn”, tha e ag ràdh: “b’ fheàrr leam chreidsinn na fhaicinn!” Bha Pòl eòlach gu leòr air na dùbhlanan a bha roimhe agus air cho caochlaideach ’s a bha a h-uile nì mu thimcheall air. Mar sin, lorg e dòigh a bhith beò nach robh an eismeil na rudan a chunnaic e le sùilean a chuirp. Seach sin, tha e ag ràdh, “tha sinn a’ coiseachd le creideamh, chan ann le sealladh” (2 Corintianaich 5: 7) Tha Pòl ag ràdh nach eil sinn “a coimhead air na rudan a tha rim faicinn, ach air na rudan nach eil rim faicinn; oir tha na rudan a chithear aimsireil, ach na rudan nach fhaicear sìorraidh.” (2 Corintianaich 4: 18). Nar beathannan làitheil, faiceamaid an saoghal tro shùilean a’ creideimh.

Dèanamaid ùrnaigh:

A Dhè shìorraidh,
is ann tro chreideamh a dh’aithneachas sinn do shlighean.
Deònaich gun coiseachd sinn
le creideamh, gum biomaid beò a-rèir do thoile.
Deònaich gum bi do ghlòir air a foillseachadh nar beathannan.
A Thighearna, na do thròcair,
èist ri ar n-ùrnaigh.

A Dhè shìorraidh,
is ann tro chreideamh a dh’aithneachas sinn do shlighean.
Deònaich dhuinn misneachd nach eil sin nar n-aonar fhad ’s a choiseachas sinn
le creideamh,
ach gu bheil sinn a’ coiseachd ri taobh do Mhic.
A Thighearna, na do thròcair,
èist ri ar n-ùrnaigh.

A Dhè shìorraidh,
is ann tro chreideamh a dh'aithneachas sinn do shlighean.
Deònaich dhuinn fios gu bheil sinn a' coiseachd còmhla ri do shluagh
Agus ann an coimhearsnachd do Spioraid.
A Thighearna, na do thròcair,
èist ri ar n-ùrnaigh.

A Dhè shìorraidh,
is ann tro chreideamh a dh'aithneachas sinn do shlighean.
Deònaich gum faic sinn
ioma-fhillteachd an t-saoghail
tro shùilean air an soillseachadh le creideamh.
A Thighearna, na do thròcair,
èist ri ar n-ùrnaigh.

A Dhè shìorraidh,
is ann tro chreideamh a dh'aithneachas sinn do shlighean.
Deònaich gum faic sinn, le creideamh,
ìomhaigh Dhè
anns gach beatha a shnaidh do làmh.
A Thighearna, na do thròcair,
èist ri ar n-ùrnaigh.

A Dhè shìorraidh,
is ann tro chreideamh a dh'aithneachas sinn do shlighean.
Deònaich gun lorg sinn do làthaireachd
aig deireadh ar beathannan
agus pàirt a ghabhail ann am beatha sìorraidh.
A Thighearna, na do thròcair,
èist ri ar n-ùrnaigh.

Soidhnichte:

An Ceart Urramach Morair Uallas, Moderàtor Àrd-Sheanadh Eaglais na h-Alba

Am Fìor Urramach Leo Cushley, Àrd-Easbaig Chill Rìmhinn agus Dùn Èideann

Am Fìor Urramach Marcus Strange, Primus as leth Colaiste nan Easbaigean,
Eaglais Easbaigeach na h-Alba

An t-Urramach Oll. Daibhidh Miller, Eaglais Shaor Aonaichte na h-Alba

An t-Urramach Niall MacMhaoilein, Moderàtor, an Eaglais Shaor

An t-Urramach Pòl Whittle, Eaglais Ath-Leasaichte Aonaichte (Alba)

An t-Urramach Màrtainn Hodson, Àrd-Stiùiriche, Aonadh Baisteach na h-Alba

An t-Urramach Marcus Slaney, Cathraiche Roinn-Dùthcha, Eaglais nam
Methodach (Alba)

An t-Urramach Tòmas R. Wilson, Cathraiche, Caidreachas Co-thionalach ann an
Alba

Lt. Col. Carol Bailey, Rùnaire na h-Alba, Feachd na Slàinte

Adwao Bittle, Comann nan Caraidean (Cuagairean)

An t-Urramach Rut Nic an Tuairneir, Àrd-Neach-Stiùiridh Roinn-Dùthcha,
Eileanan Bhreatainn, Eaglais an Nàsaraich

Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais
Chrìosdal air Saoradh le Dia

Easbaig Francis Alao, Eaglais Dhè (Alba)/ Eaglaisean nam mìon-shluagh còmhla
ann an Alba (MECTIS)

An t-Urramach Fred Drummond, Stiùiriche, Caidreachas Soisgeulach (Alba)